

OFFERYNNAU STATUDOL CYMRU

2006 Rhif 2832 (Cy.253)

IECHYD PLANHIGION, CYMRU

Rheoliadau Iechyd Planhigion (Ffioedd
Arolygu Mewnforio) (Cymru) (Rhif 2) 2006

<i>Wedi'u gwneud</i>	-	-	<i>24 Hydref 2006</i>
<i>Yn dod i rym</i>	-	-	<i>31 Hydref 2006</i>

Mae Cynulliad Cenedlaethol Cymru, drwy arfer y pwerau a roddwyd iddo gan adran 56(1) o Ddeddf Cyllid 1973⁽¹⁾ a gan adran 29(4) o Ddeddf Llywodraeth Cymru 1998⁽²⁾, a gyda chydsyniad y Trysorlys, drwy hyn yn gwneud y Rheoliadau a ganlyn:

Enwi, cychwyn a chymhwyso

1.—(1) Enw'r Rheoliadau hyn yw Rheoliadau Iechyd Planhigion (Ffioedd Arolygu Mewnforio) (Cymru) (Rhif 2) 2006.

(2) Daw'r Rheoliadau hyn i rym ar 31 Hydref 2006.

(3) Mae'r Rheoliadau hyn yn gymwys o ran Cymru.

Dehongli

2. Yn y Rheoliadau hyn—

mae i “cynnyrch planhigyn” yr un ystyr â “*plant product*” yn Erthygl 2(1)(b) o'r Gyfarwyddeb; mae i “gwiriad adnabod” yr un ystyr ag “*identity check*” yn Erthygl 13a(1)(b)(ii) o'r Gyfarwyddeb;

mae i “gwiriad dogfennol” yr un ystyr â “*documentary check*” yn Erthygl 13a(1)(b)(i) o'r Gyfarwyddeb;

mae i “gwiriad iechyd planhigion” yr un ystyr â “*plant health check*” yn Erthygl 13a(1)(b)(iii) o'r Gyfarwyddeb;

ystyr “y Gyfarwyddeb” (“*the Directive*”) yw Cyfarwyddeb y Cyngor 2000/29/EC⁽³⁾ ddyddiedig 8 Mai 2000 ar fesurau amddiffyn yn erbyn cyflwyno i'r Gymuned organeddau sy'n niweidiol i blanhigion neu i gynhyrchion planhigion ac yn erbyn eu lledaenu o fewn y

(1) 1973 p. 51.

(2) 1998 p.38.

(3) OJ Rhif L 169, 10.7.2000, t. 1.

Gymuned, fel y diwygiwyd y Gyfarwydddeb honno ddiwethaf gan Gyfarwydddeb y Comisiwn [2006/35/EC\(4\)](#);

mae i “llwyth” yr un ystyr â “consignment” yn Erthygl 2(1)(p) o'r Gyfarwydddeb;

ystyr “oriau gwaith yn ystod y dydd” (“*daytime working hours*”) yw unrhyw amser rhwng 8.30 a.m. a 5.00 p.m. ar unrhyw ddiwrnod ac eithrio dydd Sadwrn, dydd Sul, Dydd Nadolig, Dydd Gwener y Groglith neu ddiwrnod sy'n ŵyl banc o dan Ddeddf Bancio a Thrafodion Ariannol 1971(5) yng Nghymru;

mae i “planhigyn” yr un ystyr â “plant” yn Erthygl 2(1)(a) o'r Gyfarwydddeb;

mae i “planhigyn a fwriedir ar gyfer ei blannu” yr un ystyr â “plant intended for planting” yn Erthygl 2(1)(d) o'r Gyfarwydddeb; ac

ystyr “trydedd wlad” (“*third country*”) yw gwlad neu diriogaeth ac eithrio un o fewn y Gymuned Ewropeaidd.

Llwythi y mae'r Rheoliadau hyn yn gymwys iddynt

3. Mae'r Rheoliadau hyn yn gymwys mewn perthynas â llwythi o blanhigion, cynhyrchion planhigion a phethau eraill o ddisgrifiad a bennir yng nghlofn gyntaf Atodlen 1 sydd wedi'u glanio yng Nghymru o drydedd wlad, ac sydd:

- (a) wedi'u rhestru yn Atodiad V, Rhan B o'r Gyfarwydddeb; neu
- (b) yn hadau *Solonaceae* p'un a ydynt wedi'u rhestru yn Atodiad V, Rhan B o'r Gyfarwydddeb neu beidio.

Ffioedd

4.—(1) Rhaid i fewnforiwr dalu i'r Cynulliad Cenedlaethol adeg mewnfario llwyth y mae'r Rheoliadau hyn yn gymwys iddo—

- (a) yn ddarostyngedig i baragraff (2), y ffi a bennir—
 - (i) yn nhrydedd golofn Atodlen 1 am unrhyw lwyth ac eithrio llwyth o un math o blanhigyn neu gynnyrch planhigyn y mae is-baragraff (a)(ii) yn gymwys iddo; neu
 - (ii) ym mhedwaredd golofn Atodlen 2 am lwyth o unrhyw un math o blanhigyn neu gynnyrch planhigyn a restrir yng nghlofn gyntaf yr Atodlen honno ac sy'n dod o wlad a restrir yn nhrydedd golofn yr Atodlen honno; a
- (b) y ffi a bennir am wiriad dogfennol a gwiriad adnabod yn nhrydedd golofn Atodlen 3.

(2) Pan fo gwiriad iechyd planhigion yn cael ei gynnal ar lwyth ar gais mewnfario, neu unrhyw berson arall sy'n gyfrifol am y llwyth, y tu allan i oriau gwaith yn ystod y dydd, y ffi sy'n daladwy o dan baragraff (1)(a) am y llwyth hwnnw yw—

- (a) y ffi a bennir ym mhedwaredd golofn Atodlen 1 os yw'r llwyth yn llwyth y mae paragraff (1)(a)(i) yn gymwys iddo; neu
- (b) y ffi a bennir ym mhumed golofn Atodlen 2 os yw'r llwyth yn llwyth y mae paragraff (1)(a)(ii) yn gymwys iddo.

Dirymu

5. Mae Rheoliadau Iechyd Planhigion (Ffioedd Arolygu Mewnfario) (Cymru) 2006(6) wedi'u dirymu.

(4) OJ Rhif L 88, 25.3.2006, t. 9.

(5) 1971 p. 80.

(6) O.S. 2006/171.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998⁽⁷⁾

24 Hydref 2006

D. Elis-Thomas
Llywydd y Cynulliad Cenedlaethol

⁽⁷⁾ 1998 p.38.

Status: This is the original version (as it was originally made).

ATODLEN 1

Rheoliadau 3 a 4

FFIOEDD AROLYGU MEWNFORIO

<i>Planhigyn, cynnyrch planhigyn neu beth arall</i>	<i>Nifer</i>	<i>Ffi</i>	<i>Ffi (oriau gwaith heb fod yn ystod y dydd)</i>
Torion, egin blanhigion (ac eithrio deunydd coedwigaeth atgenhedlol), planhigion ifanc mefus neu lysiau	Fesul llwyth		
	— hyd at 10,000 o ran nifer	£13.24	£19.86
	— am bob 1,000 o unedau ychwanegol	£0.52	£0.78
	— uchafbris	£105.92	£158.88
Llwyni, coed (ac eithrio coed Nadolig wedi'u torri), planhigion meithrinfa prenaidd eraill yn cynnwys deunydd coedwigaeth atgenhedlol (ac eithrio had)	Fesul llwyth		
	— hyd at 1,000 o ran nifer	£13.24	£19.86
	— am bob 100 o unedau ychwanegol	£0.33	£0.49
	— uchafbris	£105.92	£158.88
Bylbiau, cormau, rhisomau, cloron (ac eithrio cloron tatws) a fwriedir ar gyfer eu plannu	Fesul llwyth		
	— hyd at 200 kg o ran pwysau	£13.24	£19.86
	— am bob 10 kg ychwanegol	£0.12	£0.18
	— uchafbris	£105.92	£158.88
Hadau, meinweoedd meithrin	Fesul llwyth		
	— hyd at 100 kg o ran pwysau	£5.67	£8.50

<i>Planhigyn, cynnyrch planhigyn neu beth arall</i>	<i>Nifer</i>	<i>Ffi</i>	<i>Ffi (oriau gwaith heb fod yn ystod y dydd)</i>
Planhigion eraill a fwriedir ar gyfer eu plannu, ac nas pennir yn unman arall yn yr Atodlen hon	— am bob 10 kg ychwanegol	£0.13	£0.19
	— uchafbris	£105.92	£158.88
	Fesul llwyth		
Blodau wedi'u torri	— hyd at 5,000 o ran nifer	£13.24	£19.86
	— am bob 100 o unedau ychwanegol	£0.13	£0.19
	— uchafbris	£105.92	£158.88
	Fesul llwyth		
	— hyd at 20,000 o ran nifer	£13.24	£19.86
Canghennau gyda deiliant, rhannau o gonifferau (ac eithrio coed Nadolig sydd wedi'u torri)	— am bob 1,000 o unedau ychwanegol	£0.10	£0.15
	— uchafbris	£105.92	£158.88
	Fesul llwyth		
	— hyd at 100 kg o ran pwysau	£13.24	£19.86
	— am bob 100 kg y chwanegol	£1.32	£1.98
Coed Nadolig wedi'u torri	— uchafbris	£105.92	£158.88
	Fesul llwyth		
	— hyd at 1,000 o ran nifer	£13.24	£19.86
	— am bob 100 o unedau ychwanegol	£1.32	£1.98
	— uchafbris	£105.92	£158.88
Dail planhigion, megis perlysiau, sbeisys a llysiau deiliog	Fesul llwyth		